

Na osnovu člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 7. Pravilnika o licencama, na sjednici Državne regulatorne komisije za električnu energiju, održanoj 24. maja 2005. godine, donijeta je

## **ODLUKA**

### **O ODREĐIVANJU OBRAZACA ZA PODNOŠENJE ZAHTJEVA ZA IZDAVANJE LICENCI**

#### **Član 1.**

Ovom odlukom propisuje se forma i sadržaj obrazaca zahtjeva za izdavanje licenci u postupku koji provodi Državna regulatorna komisija za električnu energiju (u daljem tekstu: DERK).

#### **Član 2.**

Podaci kojima podnosilac zahtjeva dokazuje da ispunjava sve kriterije za izdavanje licence i poštuje sve standarde licence, podnose se u formi i na obrascima kako slijedi:

#### **I Zahtjev za izdavanje licence za obavljanje djelatnosti (obrazac LI)**

Obrazac LI sadrži izjašnjenje podnosioca zahtjeva za koju djelatnost podnosi zahtjev, prijedlog dužine trajanja licence kao i ovjeru odgovornog lica sa punim imenom i prezimenom, potpisom i pečatom.

#### **II Opšti podaci o podnosiocu zahtjeva (obrazac LI-A-OP)**

Obrazac OP-A sadrži podatke o zvaničnom imenu i adresi podnosioca zahtjeva, matičnom i poreskom broju, nazivu i sjedištu osnivača, broju i datumu akta o osnivanju, nazivu i sjedištu ustanove koja je izvršila registraciju.

#### **III Prilozi uz zahtjev (obraci LI-B-PZ)**

Obrazac LI-B-PZ sadrži pregled potrebnih dokumenata u skladu sa članom 18. Pravilnika o licencama, sa evidentiranim karakterističnim brojem i datumom priloženog dokumenta.

Obrazac LI-B1-PZ sadrži pregled dodatnih dokumenata u skladu sa članom 19. Pravilnika o licencama i ispunjava ga samo podnosilac zahtjeva koji je zainteresiran obavljati djelatnost prijenosa električne energije.

Obrazac LI-B2-PZ sadrži pregled dodatnih dokumenata u skladu sa članom 19. Pravilnika o licencama i ispunjava ga samo podnosilac zahtjeva koji je zainteresiran obavljati djelatnost Nezavisnog operatera sistema.

Obrazac LI-B3-PZ ispunjava samo podnosilac zahtjeva koji je zainteresiran obavljati djelatnost međunarodne trgovine električnom energijom.

#### **IV Izjave uz zahtjev (obrazac LI-C-IZ)**

Obrazac LI-C-IZ sadrži sve neophodne izjave kojim podnosilac zahtjeva potvrđuje da su svi dostavljeni podaci istiniti i tačni, da prihvata obavezu plaćanja regulatorne naknade, da su svi podaci dati u elektronskoj formi identični sa podacima dostavljenim poštom, da je spreman zadovoljiti sve obaveze koje se odnose na javnu uslugu i da je svoje aktivnosti uskladio sa propisima vezanim za zaštitu okoline.

## **V Osnovni tehnički podaci (obraci LI-D-TP)**

Obrazac LI-D1-TP sadrži podatke o transformatorskim stanicama u prijenosnoj mreži i tehničke podatke o prijenosnim dalekovodima i ispunjava ga samo podnosilac zahtjeva koji je zainteresiran obavljati djelatnost prijenosa električne energije.

Obrazac LI-D2-TP sadrži podatke o prenijetoj energiji u godini koja prethodi podnošenju zahtjeva i ispunjava ga samo podnosilac zahtjeva koji je zainteresiran obavljati djelatnost Nezavisnog operatera sistema.

## **VI Finansijski podaci (obrazac LI-E-FP)**

Obrazac LI-E-FP sadrži osnovne finansijske podatke iz bilansa uspjeha za prethodne tri godine, finansijske podatke iz bilansa stanja za prethodnu godinu, prosječno stanje gotovine za prošlu godinu kao i osnovne podatke o kreditnoj zaduženosti podnosioca zahtjeva.

## **VII Podaci o strukturi zaposlenih (obrazac LI-F-KS)**

Obrazac LI-F-KS sadrži podatke o kvalifikacionoj strukturi i broju zaposlenih radnika prema stručnoj spremi kao i načinu angažiranja zaposlenika.

### **Član 3.**

Obrasci propisani ovom odlukom sastavni su dio ove odluke.

### **Član 4.**

DERK će osigurati obrasce propisane ovom odlukom u štampanoj ili elektronskoj formi.

### **Član 5.**

Ova odluka stupa na snagu osmog dana od dana objavljivanja u "Službenom glasniku BiH".

Broj: 05-02-129/05  
24. maja 2005. godine  
Tuzla

Predsjedavajući Komisije  
Mirsad Salkić